

ქ.თბილისი

31 დეკემბერი 2014 წელი

ერთი მხრივ, სსიპ „საგანმანათლებლო და სამეცნიერო ინფრასტრუქტურის განვითარების სააგენტო“, დირექტორის გრიგოლ გაგოშიძის სახით

მისამართი : ქ. თბილისი, ალექსიძის ქ.№1, შენობა-ნაგებობა №1

საბანკო რეკვიზიტები:

მიმღები : ერთიანი ანგარიში

მიმღების ბანკი : სახელმწიფო ხაზინა

ბანკის კოდი: 220101222

ანგარიშის ნომერი : 200122900

საიდენტიფიკაციო კოდი : 202294980

მეორე მხრივ, სსიპ ქალაქ თბილისის №152 საჯარო სკოლა

მისამართი: ქალაქი თბილისი, ვარკეთილი, ზემო პლატო

სკოლის დირექტორი : თამარ გურაშვილი

საიდენტიფიკაციო კოდი : 208142712

საბანკო რეკვიზიტები : სს „ლიბერთი ბანკი“

ბანკის კოდი : LBRTGE22

ანგარიშის ნომერი : GE15LB0121129254237000

სსიპ „საგანმანათლებლო და სამეცნიერო ინფრასტრუქტურის განვითარების სააგენტოში შემოსული საქართველოს განათლებისა და მეცნიერების მინისტრის 2014 წლის 31 დეკემბრის №1596 ბრძანების და 2014 წლის 31 დეკემბრის №1055488 წერილის, სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს დირექტორის 2014 წლის 31 დეკემბრის №141 ბრძანების, „საქართველოს 2014 წლის სახელმწიფო ბიუჯეტის შესახებ“ საქართველოს კანონის, „საჯარო სამართლის იურიდიული პირის შესახებ“ საქართველოს კანონის მე-13 მუხლის 2<sup>1</sup> პუნქტის შესაბამისად, ვდებთ წინამდებარე ხელშეკრულებას შემდეგზე :

გამოყენებულ ტერმინთა განმარტებები:

ხელშეკრულებაში გამოყენებულ ტერმინებს აქვთ შემდეგი მნიშვნელობა:

„ხელშეკრულება“ - სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-სა და სსიპ ქალაქ თბილისის №152 საჯარო სკოლას შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;

„დაფინანსების ოდენობა“ - საერთო თანხა, რომელსაც სსიპ „საგანმანათლებლო და სამეცნიერო ინფრასტრუქტურის განვითარების სააგენტო“ გამოუყოფს სსიპ ქალაქ თბილისის №152 საჯარო სკოლას ხელშეკრულებით ნაკისრი ვალდებულებების სრულად და ზედმიწევნით შესრულებისათვის.

„თანხის გამცემი“ - სსიპ „საგანმანათლებლო და სამეცნიერო ინფრასტრუქტურის განვითარების სააგენტო“

„თანხის მიმღები“ - სსიპ ქალაქ თბილისის №152 საჯარო სკოლა.



## 1. ხელშეკრულების საგანი

სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს (ორგანიზაციული კოდი 32 05 02) ასიგნების ფარგლებში სსიპ ქალაქ თბილისის №152 საჯარო სკოლის სამედიცინო ოთახის სარეაბილიტაციო სამუშაოების განხორციელების მიზნით (CPV: 45400000) დაფინანსება თანდართული ხარჯთაღრიცხვის შესაბამისად.

## 2. დაფინანსების ოდენობა და წესი

2.1 „თანხის გამცემი“ „თანხის მიმღებს“ სსიპ ქალაქ თბილისის №152 საჯარო სკოლას სამედიცინო ოთახის სარეაბილიტაციო სამუშაოების განხორციელებისათვის გამოუყოფს დაფინანსებას (წინასწარი გადახდა) 4771,49 (ოთხიათასშვიდაცხამოცდათერთმეტი ლარი და 49 თეთრი) ლარის ოდენობით.

## 3. დაფინანსების პირობები

3.1 „თანხის მიმღები“ ვალდებულია უზრუნველყოს მიღებული თანხის მიზნობრივად გამოყენება.

3.2 „თანხის მიმღები“ იღებს ვალდებულებას მიღებული თანხის აუთვისებელი ნაწილი სრულად დააბრუნოს „თანხის გამცემის“ შემდეგ ანგარიშზე: სახელმწიფო ხაზინა, ბანკის კოდი – 20101222, ანგ. №200122900 საბიუჯეტო შემოსულობების სახაზინო კოდი – 302009921, ამასთან თანხის დაბრუნებამდე გადასახადის დანიშნულებაში საგადახდო დავალების ნომერის მისათითებლად დაუკავშირდნენ „თანხის გამცემის“ ფინანსური და მატერიალური რესურსების მართვის სამსახურს/ბუღალტერიას.

## 4. მხარეთა მოვალეობები

4.1 „თანხის გამცემი“ ვალდებულია „თანხის მიმღებს“ გადაურიცხოს ხელშეკრულების მე-2 მუხლით განსაზღვრული თანხა, ამავე მუხლით გათვალისწინებული წესისა და ვადის დაცვით.

4.2 „თანხის მიმღები“ ვალდებულია:

ა) უზრუნველყოს წინამდებარე ხელშეკრულების პირველი მუხლით განსაზღვრული სარეაბილიტაციო სამუშაოების შესრულება, თანდართული სახარჯთაღრიცხვო დოკუმენტაციის შესაბამისად;

ბ) წინამდებარე ხელშეკრულების პირველი მუხლით განსაზღვრული სამუშაოების შესრულებისას, იმოქმედოს „სახელმწიფო შესყიდვების შესახებ“ საქართველოს კანონის შესაბამისად;

გ) სახარჯთაღრიცხვო დოკუმენტაციის შესაბამისად განსაზღვრული სამუშაოები განახორციელოს და შესრულებული სამუშაოს შესახებ ინფორმაცია (ფორმა №2, ფორმა №3, მიღება-ჩაბარების აქტი, გახარჯული თანხის გადახდის დამადასტურებელი დოკუმენტაცია) სამუშაოს დასრულებისთანავე წარმოადგინოს სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ში. აღნიშნული ვალდებულების შეუსრულებლობის შემთხვევაში „თანხის გამცემი“ უფლებამოსილია შეწყვიტოს ხელშეკრულება.

ე) სამუშაოს შესრულება დასტურდება „თანხის მიმღების“ მიერ წარმოდგენილი ანგარიშის საფუძველზე (ფორმა №2, ფორმა №3, მიღება-ჩაბარების აქტი, ასევე ექსპერტიზის დასკვნა რეალურად შესრულებული სამუშაოების სახარჯთაღრიცხვო დოკუმენტაციასთან შესაბამისობისა და შესრულებული სამუშაოების ხარისხის თაობაზე და გახარჯული თანხის გადახდის



დამადასტურებელი დოკუმენტაცია, მათ შორის ექსპერტიზაზე გაწეული ხარჯის გადახდის დამადასტურებელი დოკუმენტი, ასეთის არსებობის შემთხვევაში) .

ვ) ანგარიშის წარდგენიდან 10 სამუშაო დღის ვადაში, „თანხის გამცემსა“ და „თანხის მიმღებს“ შორის გაფორმდება შედარების აქტი. სამშენებლო სამსახურის მიერ შესაბამისი სამსახურებრივი ბარათის წარმოდგენის შემდგომ, შედარების აქტზე ხელმოწერის უფლება „თანხის გამცემის“ მხრიდან გააჩნია ფინანსური და მატერიალური რესურსების მართვის სამსახურს.

4.3 სახელმწიფო შესყიდვის პროცედურაზე, სამუშაოს შესრულების ვადაზე, ხარისხზე, გარანტიაზე კონტროლი და პასუხისმგებლობა მთლიანად ეკისრება თანხის მიმღებს.

## 5. ხელშეკრულების შესრულების კონტროლი

„თანხის გამცემს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი ხელშეკრულების შესრულებაზე;

## 6. ხელშეკრულებაში ცვლილებების შეტანა

6.1 ხელშეკრულების პირობების შეცვლის აუცილებლობის შემთხვევაში, ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს აღნიშნულის თაობაზე;

6.2 ხელშეკრულების პირობების ნებისმიერი ცვლილება უნდა გაფორმდეს წერილობითი სახით ორივე მხარის უფლებამოსილი წარმომადგენლის ხელმოწერით.

## 7. ხელშეკრულების შესრულების შეფერხება

7.1 თუ ხელშეკრულების შესრულების პროცესში წარმოიშვა შესრულების შემაფერხებელი გარემოებები, მაშინ შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით;

7.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ამ ხელშეკრულების 7.2 პუნქტის გათვალისწინებით.

## 8. ხელშეკრულების შეწყვეტა მისი პირობების შეუსრულებლობის გამო

8.1 „თანხის გამცემს“ შეუძლია მთლიანად ან ნაწილობრივ შეწყვიტოს ხელშეკრულება „თანხის მიმღების“ ვალდებულებების შეუსრულებლობის თაობაზე წერილობითი შეტყობინების შემდეგ;

8.2 ხელშეკრულების ცალკეული პირობების მოქმედების შეწყვეტა არ ათავისუფლებს „თანხის მიმღებს“ დანარჩენი ვალდებულებების შესრულებისაგან.

## 9. ფორს-მაჟორი

9.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ ჩაითვლება ნაკისრი ვალდებულებების შეუსრულებლობად თუ აღნიშნული წარმოადგენს ფორს-მაჟორული გარემოების შედეგს;



9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი;

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

## 10. სხვა პირობები

10.1 „თანხის გამცემა“ და „თანხის მიმღებმა“ ყველა ღონე უნდა იხმარონ, რათა ერთმანეთში შეათანხმონ მათ შორის ხელშეკრულების ირგვლივ წარმოქმნილი ყველა უთანხმოება და დავა;

10.2 ხელშეკრულება შედგენილია ოთხი თანაბარი იურიდიული ძალის მქონე ეგზემპლარად, რომელთაგან ერთი ეგზემპლარი გადაეცემა თანხის მიმღებს, ხოლო სამი ეგზემპლარი თანხის გამცემს.

10.3 ამ ხელშეკრულების 10.1 პუნქტით გათვალისწინებული შეთანხმების მიუღწევლობის შემთხვევაში ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

„თანხის გამცემი“

სსიპ „საგანმანათლებლო და სამეცნიერო  
ინფრასტრუქტურის განვითარების სააგენტოს“  
დირექტორი  
გრიგოლ გაგოშიძე

„თანხის მიმღები“

სსიპ თბილისის №152 საჯარო  
სკოლის დირექტორი  
თამარ გურაშვილი

